

皇明續紀三朝法傳全錄

三朝法傳錄小引

或有問于拭者曰法傳之
作也子以史自命乎拭曰
何敢言史也史亦何易言
也昔陳文憲修國史意甚

銳奏已請旨時焦弱侯先生分修經藉志大內有藏書請文憲奏付史館卒以築道不成拭何敢言史唐鄭惟忠問劉知幾自古文

士多史才少曰史有三長
才學識世罕兼之有學無
才是愚賈操金而貨殖也
有才無學是巧匠持斤而
乏榱桷也拭又何敢言史

韓昌黎云凡作史者不有
入禍必有天刑柳州歷
引古以折其非然昌黎言
亦自有見拭又何敢言史
明興禮樂文章遠過前代

而史獨廢闕僅有實錄于
臣下事不甚詳載矧史宸
一入非國家有大鼎革不
得坐視而區區韋布於朝
章國故曾不經目經目者

不必究心又安所藉手以
成則史何容易言也第見
三朝以來甲乙是非靡有
定論更無他紀以識其實
惟是兩朝從信與夫十六

朝廣彙而已皆緝綴邸報
牘衍篇長曾無制作之法
較之陳東莞通紀不迨遠
甚拭是以旁搜家乘野史
以資漁獵并叅互而考訂

焉不但神祖朝征倭征

播征倭挺擊妖書楚宗諸

大事光熹二廟發內

帑釋纍囚軫念邊關連捷

寧錦鼎建大工諸大事記

之必悉忠臣念國本而忘
其身家義士叱權奸而寒
其肝膽豪傑甘九死而取
義舍生靡不羅網以點綴
雍熙之盛至兵農錢穀士

三朝治集
馬登耗之數司徒司空太
僕會計盈縮之額水利屯
田河渠海運北虜島夷奴
酋番域處置之宜苟可集
衆腋以爲裘願期鑄九金

而作鼎述而不作使異日
修史者便討論云爾若執
以爲史試想天子命之宰
執主之一時文學侍從分
曹載筆卒以中道而廢拭

何人斯而敢邀就緒之名
耶更想崔浩謗魏生則族
誅沈約謗宋死猶截舌言
念及此凜凜刑禍之是懼
矣况豎儒自括帖外鮮所

涉獵奚能考屢朝之典故
究四方之利病而嚶嚶言
史也陳壽短諸葛之略魏
收減爾朱之惡使人不平
徒生唾棄矣故曰何敢言

史也史亦未易言也朱紫
陽論左傳許其詳于事而
不與其理蘇子由春秋集
解從赴告而不與公穀之
揣摩拭卽事論事無所揣

摩其書獲附通紀之後陳
法而傳之斯厚幸矣

崇禎癸兆困敦之歲音比
夾鍾之月西湖逸民高汝
棡敬書於翠紅精室

神宗迄熈宗三朝續紀

神宗顯皇帝

第一卷

癸酉萬曆元年至戊寅六年

第二卷

己卯萬曆七年至癸未十一年

第三卷

甲申萬曆十二年至己丑十七年

第四卷

庚寅萬曆十八年至甲午二十二年

第五卷

乙未萬曆二十三年至辛丑二十九年

第六卷

壬寅萬曆三十年至戊申三十六年

第七卷

己酉萬曆三十七年至壬子四十年

第八卷

癸丑萬曆四十一年至戊午四十六年

第九卷

己未萬曆四十七年至庚申泰昌元年

熹宗哲皇帝

第十卷

辛酉天啓元年至壬戌二年二月

第十一卷

壬戌天啓二年三月至癸亥三年三月

第十二卷

癸亥天啓三年四月至甲子四年四月

第十三卷

甲子天啓四年五月至乙丑五年二月

第十四卷

乙丑五年三月至本年十二月

第十五卷

丙寅六年至本年八月

第十六卷

丙寅六年九月至丁卯八月

以上三朝計十卷

洪武以下共十五朝共計五十卷

皇明續紀三朝法傳全錄卷之一

聖湖 高汝祚輯 同郡 吳思穆 閱

西湖 蔣御龍叅 張錫胤 高昇培 正

神宗顯皇帝紀

帝莊皇帝長子李貴妃所生年十歲
宗崩即皇帝位在位四十八年庚申七

月二十一日崩壽五十七上徽號曰範天合道哲肅
敬簡光文章武安仁止孝顯皇帝廟號神宗葬慶陵

癸酉萬曆元年正月 上諭內閣初七日開日宜起日

湯之日新
成王之清

講經筵令禮部具儀

高汝祚曰舊例講經必於元宵節假後二十
一日始開今初七即起聖心睿學如此

上御平臺召大學士張居正面諭曰父王昔在御日嘗

一聆德音謂先生忠而高拱邪先生幸自愛悉心見輔

謂高拱邪
者為保之
指也

張山江有
千秋金鑑
張江陵有
帝鑑副二
張進鑑先
張鑑美

因賜居正金幣居正頓首泣謝謂今國家要務惟在遵
守祖宗舊制不必紛紛更改至于講學親賢愛民節
用又君道所先乞聖明留意上嘉納之

高汝弼曰居正既柄國慨然以天下為己任中外思
望素來其為政大約導正權謀吏實故嘗言高帝真
得聖之威者也世宗能識其意是以高卧法宮之
中朝委素而不亂今上世宗孫也奈何不法祖具
詔草請于上召羣臣廷勅之詔下百餘條然

輔臣張居正進帝鑑圖說上覽畢因命宣付史館賜居
正等銀幣時聖齡時方十齡見捧圖冊進喜動顏色
遽起立目左右展冊居正從旁指陳大義上應如響他
日上御文華講畢覽至漢文帝勞軍細柳事居正因

聖主天縱
聰明

正生母也

言 皇上當留意武備。今天下有識者皆曰：我祖宗
刀尖上掙來的天下，却被今日筆尖兒壞了。故俗語說：
文官把筆安天下，武將持刀定太平。上聽言點頭稱
頌。及退，謂左右曰：適張先生所言，文官把筆二句，蓋謂
治國當用文也。要用武，張先生是文官，却不護短。欲朕
保護武將，此真是公忠報國之臣。嘆賞者久之。

是圖自堯舜以來，善可為法者八十一事，惡可為戒
者三十六事，善為陽，為吉，故用九；惡為陰，為凶，故用
六。每一事各用一圖，為之直解，以取古人為鑑之義云。

上召輔臣面諭，飲于生母。皇貴妃尊號多加二字，居
正不敢違，下謙尊。皇后曰：仁聖皇太后、皇貴妃曰：

慈聖皇太后

高汝棻曰前代人主嗣位有太后者生母止稱皇太妃我朝自孝肅來始並稱太后惟嫡母加上徽號二矣茲上冲年卽位議加兩宮尊號蓋欲尊慈寧也既諭之明日居正于東閣會揖時謂禮部曰故事中官當加二字既同爲太后多二字何妨時侍郎王希烈署禮部卽應曰諒于是兩宮並尊慈寧卽不加矣亦不減一字矣愚因是想是時皇上冲聖虛心以聽輔臣肯力爭一言引古曲當亦無難處者乃迎合內旨使祖宗舊法一旦更變誠者慨之嘉靖初年大禮之議至于發言盈庭死者接踵而此日兩宮之禮無一人片語可見士氣人心之日以委靡事若不急所聞則甚大矣

輔臣張居正請上御日講三日一出視朝每日講讀

畢進爰閣少憩司禮監持各衙門章奏進上上覽有所咨問卽召閣臣將本內事情一一敷奏覽本後正字

天官楊澤
曰此事關
保重六若
果爲之

宮造字畢再進午講講通鑑節要將前代興亡事述明
自講畢還宮○異國公沐朝弼數犯法遣緹騎逮至京
廷鞠之貸之死錮之南京○上山乾清宮遇無賴男子
假裝內使趨走張皇左右執之問其名曰王大臣問自
何來曰自戚總兵來時關中票旨着東廠鞫問且囑曰
茲後禁勿復言戚總兵此自有作用蓋逢馮保意也保
以前事恨高拱獲此因置雙劍于其兩掖欲使誣攀拱
使入內行刺以圖不軌耳臣既下獄隨有丰儒者與朝
夕同處供其男女飲食之欲備極款厚因教之曰但稱
自高閣老所來欲行刺帝及殿審臣思誣服如所教者

大臣人人
自稱此言
最有味

誰謂天道
重也

白一清公
道前在與
張士

張心齋在

然間以拱之狀貌。居止城廓所對。皆非故刑科。知其竟。
請送法司審問。保恐事泄。踰日乃令錦衣衛朱希孝等。
會審。是日方晴。霽忽風沙大作。黑霧四塞。兩電不止。衆。
皆駭。俱理刑官白一清。厲聲曰。天意若此。可不畏乎。高。
拱顧命元老。此事本無影響。強以誣之。他日能免誅夷。
之禍耶。舊例。嚴銜問事。必先加刑。于是將王大臣夾責。
大臣揚言。當初原說。與我官做。永保富貴。我何曾認得。
高拱老。如何強我。希孝等懼。遂罷審。都御史等守禮吏。
部尚書楊博。力解。居正亦念非輕微。諷保保稍解。二月。
送大臣于法司。已中壽。亞不能言。乃反其辭。坐其人以。

闖入官門律趣弃市

王大臣浙江人以脩奴浮蕩入都與小豎嘔竊其解
輒闖入禁門實非高拱所使也是時緹騎已環高之
門矣高大恐欲自焚及聞高拱第迫其僕遂止
高汝扶曰新鄭既為居正所逐罷歸里中又有此事
益鬱鬱不自安一日遣一人入京取即中器具居正
召僕問其起居僕泣訴曰主病困又經大驚幾不自
存居正為之下泣以玉帶器幣雜物可直千金者使
僕賫以遺之及家有居正所善客過訪乃其門人
也拱語之曰幸煩寄語大岳一生相厚無可仰托只
求為于州土市一奇具庶得佳老蓋示以無起用之
志也遂得安然無恙

以葛守禮為都察院左都御史隆慶中守禮為工部尚
書高拱去國附徐階者就上疏以媚徐守禮獨否左右
侍郎一為桂林徐養正遇拱之同年一為扶溝劉自強

此老最有
持統不隨
人起倒可
稱正氣名

通拱之鄉里皆請葛上疏葛終不肯曰人之所見不同
有者自有無者自無何可強乎徐劉不得已乃爲白頭
疏上之已而守禮罷歸養正遷南京工部尚書去後二
年高拱復相感守禮之道四召用之時劉自強爲刑部
尚書高拱從容語曰當時公等作白頭疏時一何忍也
劉曰此時若無此疏今日安得在此拱曰葛老先生尙
在此耶劉爲報然守禮廉直人也拱第以舊恩用之終
不附麗拱亦少疎其遇王大臣事守禮又極爲宛轉以
是不及于禍交道始終如舊者世不幾見出筆塵

于文定公曰守禮素性不好觀戲掌臺時嘗上疏禁
之長安中有潛用者惟對舊不敢作隆慶辛亥東省

迎新郎君故事。皆當有戲。御史以糾劾之。不敢自公。時齊南相君在座。御史對相君。請問其旨。相君曰。是某言也。葛曰。公亦不宜有此言。吾所題內。閣所票。奈何自相矛盾。相君不能應。遂揮伎樂以出。二月。奪御史鍾繼英俸半年。繼英上疏。暗指大臣事。而不明言。江陵不敢深罪。止奪俸。尋以他事謫。○嶺東平。提聞賞。賜督撫殷茂正等有差。時嶺東有巢曰。洋烏潭。馬公等寨在惠州。叢山深菁。延袤八百餘里。賊伍端等。嘯聚于中。蠶食東路。至。穆宗時。復有藍一清等。益爲巢傑。與其黨。斬元爵。踞盤牙四十八巢。晝夜以殺人爲戲樂。或剖孕婦。或剖嬰兒。使母燃火烹子。使子立觀殺。父慘酷萬狀。自隆慶初。以至此。所虜殺村落男婦。以萬

精形已
故力主

股公有功
子烈東

萬計其黨曾延鳳等遣子入學馬祖昌等各面縛歸降
皆詐也督撫殷正茂曰往歲舉兵虛往實歸徒名殺賊
耳不大舉將為東南憂且此屬皆閩粵人非若強胡不
可化誨既稱聽撫而猶擁眾如故何也乃召諸軍大會
并徵左右江土兵以密謀顧養謙吳一介陳奎為監軍
分三道入自冬至春大戰數十諸將佐暨丞尉皆效命
直前搃其巢俘斬萬二千有奇搜捕山岩溪洞無一得
脫嶺南北郡縣始得寧帖正茂復督諸將張元勳等逐
海賊諸良寶等于海崖亦傾其巢云

聖九思曰嶺東事多成自縣令丞尉及太學明經信
存文舉者必有武備也漢高帝曰追殺賊者尚也

○關互市

月下餘安

順之殺

賜之亡者

餘也

史與補曰

提信錄錄

持齊老人

一口此除

果小說也

安得入史

聞之望然

失笑

發跡指示觀感者人也。不謂善論功乎。卒云。此書引。藏何哉。

命兵部侍郎汪道昆。總兵李成梁。請展築寬奠等

六堡。其地北界王果。東隣兀堂。去綏陽三百里。方修築

十岔口。寬奠堡。兀堂十數箇。環跪願質子。所在易鹽布

張學顏疏。請聽市。自是開原而南。撫順。清河。饒陽。寬奠

並有市。諸夷亦利互易。頗遵約束。無敢跳梁。當是時。東

夷日撫順。開原而北。屬海西者。王台制之。自清河而南。

低鴨綠江。屬建州者。兀堂制之。○大學士高儀。于告回

籍。以呂調陽為文淵閣大學士。調陽與居正。行俱而年

差長。秩尚卑。以居正引。得枚卜。然內不甚附。居正事每

獨斷亦不咨訪。一日遽入居正取調陽所條旨皆更定。
曰如此何以示遠近。部院由此益輕調陽。且絀其鄉人
親厚者。呂惟仰屋嘆而已。○日講畢。上御文華殿後。
御書大字。賜輔臣六卿及講官各一箋。上留心翰墨。
親書學二帝三王治天下大經大法十二字懸之文華
殿矣。至是復書宅。換保衡四字。賜居正同心夾輔四字。
賜調陽正己率物等字。賜六卿講官丁士美等責難陳
善各一。皆泥金箋也。他日又賜居正弼予一人永保天
命。爾惟鞠業。汝作塩梅。及賀日精忠。又欲爲居正書大
岳二字。居正頓首謝曰。主臣不敢。上適已。

中官亦知
大伴宰相
可憐價耶

千古英明
得于冲年
尤難

六月翰林院吏令中有白燕一隻獻之內閣閣中有嘉
蓮蚤開輔臣等恭獻上溫旨褒答已而出白燕還之
馮保曰主上冲年不可以異物啓其玩好及見居正
云自燕相公所獻耶此非宰相事不聞越裳之雉乎因
遂出○十月內使携金茶壺出禁門詔笞三十穆廟
恭妃遣內使以金壺遺其私家爲門者所奏上曰此
器雖妃所有然先帝賜器不當闕出咎其使而易以百
金遺妃曰妃家貧以此給之其英明如此○輔臣張居
正柄政上眷顧殊絕每日御講筵講臣出就直廬居正
以侍書入在文華殿後東偏張小幄造膝密語上有
皇明法傳錄卷一類皇帝

所欲言正字卽走出殿門言止乃入。

一日居正在直廡感病上御煖閣親調椒湯賜之

盛暑御講上先就居正立處令內使提扇殿角試

其涼贈隆冬進講以覆一片鋪丹地恐居正立處寒

也其隆重如此○史官曰人主年少未能專決大政

大臣不宜受之重爵如漢武帝命詔封金日磾日磾

以昭帝年少不受封其後病困大將軍乃自封之日磾

禪有大臣之義矣今上十齡踐祚未親大政居正

遽逐中州倏忽自貴思至隆重何其識不如亡虜也

慈聖內教極嚴上或宮中不讀書卽召使長聽而數

之當視朝日五更至寢所呼曰皇帝起卽命左右掖

坐亟取水爲上沃面擊之登車以出○茶城河淤脩

建境山開并設房村之堤岸導河自安東縣至金城五

港入海○府江蠻作亂布政司楊成于昭平馬江之界

內教之嚴
其日恭
聖德皆慈
聖之力也

續世宗朝
事考四編
續神宗朝
事考四編
李繼慎也

立一新界、割富川、賀縣之地、隸之、益以堡兵、設守備官、東則水涯、西則僊廼、各立土司、屯兵耕牧、遙相應制、且撫且勦、凡十月而盜息、

甲戌萬曆二年正月、輔臣張居正進講、編定大學一本、虞書一本、通鑑四本進呈。○詔起詹事府掌府事、張四維充世廟實錄副總裁、肅皇帝在位久、章牘浩煩、諸司掌故、皆闕軼、四維極意蒐討、犁然具備、江陵稱服、出已所編初記、盡屬筆削云、

二月、吏部尚書楊漣罷、以南京工部尚書張瀚代之、時廷推都御史葛守禮、工部尚書朱衡而瀚資淺、最後衡

以宮保當黜自願驕于公卿間然居正恐其有才難制
至守禮又惡其慙直明日 上御講筵召居正問曰所
推葛守禮非年老者耶居正對曰是 上曰置之張瀚
何如對曰疎遠之臣用之不敢負國 上曰善竟用瀚
三月詔發帑金若干橋涿之胡良渡又命建玉女祠
○工部尙書朱衡罷以郭賓代之

是時出帑二千金修繕建衛爭之內中不悅太后又
嘗爲武清治第費以數萬衛復按故事多所裁抑太
后頗相銜馮保又言衛多
門下客能撓內權故罷之

上御經筵講及秦始皇銷兵事顧諭講官曰可笑秦始皇
皇甚愚不善做皇帝何用銷兵彼木根豈不能傷人耶

聖人一言
勝他人千
萬言人定
二句何解
能舍廣大

平都奏

輔臣張居正進曰天時不如地利地利不如人和上
日人定真能勝天也○輔臣進皇陵碑

上覽畢謂居正曰朕覽先生所進皇陵碑讀之數過

不覺感痛時欲墮淚居正曰聖祖當年苦楚蓋以天

心爲心故能創造洪業傳之皇上以聖祖之心爲

心乃能永保洪業上愴然曰朕敢不勉行法祖然凡

事尙賴先生輔導○以右僉都御史曾省吾巡撫四川

伐西南都蠻平之都蠻古瀘戎也剽掠叙瀘六縣燔

燒暴逞烽烟直警于蜀郊上詔曾省吾往省吾口蠻

據九絲怙天險而以都寨爲右翼凌霄爲前障自謂難

臣月去事錄三月奏一顯皇帝

唐中有史
見故能成
功

重寶

古云將相
相成誠云

拔然兵法有攻瑕者。乘其易。因堅者奪其援。誠先取淺
霄。繼取都寨。勢如拉朽。以劉顯為總兵。先進。郭成副之。
廼繼焉。顯募死士。後間道搃其虛。遂破渡霄。再破都寨。
直逼九絲。適積雨阻攻。重寶亦恃險守死。會九月。重寶
故重寶羣聚飲大醉。顯率勁兵以夜半銜枚攀援。經傳
危堞。斬關直入。斬首畧盡。都重寶遂平。獻俘四千六百有
奇。獲酋王三十六。拓地四百里。得函牛寶鼎。諸葛銅鼓。
淳于鑿器以進上。因肆類謹祀。告武成焉。劉顯束髮
與重寶戰著名。重寶人言顯輒震懼。先是言官以閩事論顯
罪。且不貸。居正曰。臨敵易將。兵家所忌。倘蜀事不效。當

淡然摩娑
之外

并閤事迫治之。于是言旨意解。而顯竟以平素自故。○
以吳嶽爲南京吏部尚書。嶽清操絕代。嘉靖末年。爲真
定巡撫。見嚴嵩害焰。卽移疾自罷。屏居南旺湖上。茅屋
數間。薄田一二頃。僅供衣食。日惟默坐一室。閱禪經數
卷。客有過者。亦時或出。或留食。飲食不過脯菜三四品。
然不謁客。有時遊行。惟跨一驢。或諷其矯。嶽曰。吾罷吏
家居。從來不用邑中夫役。欲免與夫力又不能。老不能
騎馬。故跨一驢。取其簡便。實不矯也。及嘉靖乙丑。嚴嵩
罷。徐階當國。收羅海內名望。乃起爲御史中丞。報者以
檄至。僕入白狀。嶽方跌坐。行氣未已。僕白一二語。慍首

不答。僕不敢言。出侯門外。可炷香頃。乃下牀。索微觀之。
○不更視已。而親友從吏。乃出就徵。至是積爲南吏部
尚書。士論翕然。以爲得人。

二月會試。以武英殿大學士呂調陽。吏部侍郎王希烈。
充主試官。取孫鑄等三百五十名。

三月廷試。賜進士孫繼皋、俞慶麟、王應選等及第出身。
有差。○上御文華殿講讀。忽問及建文皇帝人言當
日逃逸。果有此事否。輔臣張居正對曰。此事國史不載。
但故老相傳。當時靖難師入城。帝削髮被緇。從間道
出。後雲遊四方。人無知者。正統間。忽於雲南鄯壁上。

超詩有流落江湖四十秋等句。御史覺其異，召而問之。乃知爲建文帝也。御史以聞，遂驛召來京，入內驗之。良是。是時年已八九十矣。後莫知所終。上因命居正誦其詩全文，慨然興嘆。又命繕寫以進。○總督河道王宗沐疏薦山東副使潘允端，移駐淮上，專理漕儲。允之事比入河，河水暴漲，數敗舟。而北土早寒，冰易合，舟不能達。令京儲日益虛，非計也。則以期會督有司，而部勘諸官軍以二月至淮。五月入關。八月並達天津。又以運軍過江，領兌多不以時，乃定議給直，永免民運。瓜儀之

累于瓜州建閘以避江濤。令白糧民船尾潛艘而北。則
興舉利便無過此者。至海運。運自淮入海。歷膠萊至直
沽。雖道路險遠。風濤叵測。而海運通。則河不爲梗。可以
佐漕之窮。上是之。允端決策深計。備示方畧。仍躬歷
要害。激厲將士。以差次行賞。衆皆感奮。凡爲艘三百餘。
運糧十有二萬石。不一月而至天津。後遷去。遂格不行。
○御史邵永春劾張四維。王崇古。監鹽長蘆。相與擅一
方之利。橫暴不可制。疏留中。○上命吏部。都察院。吏科。
河南道等。掌印官。引天下廉能官員。赴會極門。面加獎
賞。○廷議欲毀英明閣。戶科給事李戴奏言。先帝建閣。

吉能倭達
兒子葛河
奎爾長父
曰吉泰

地御屏

有深意。三年無改人子至情。矧未大祥。事遂寢。○南京
戶部尚書畢鏞奏言中。都高皇帝豐沛足食無策。非
根深固蒂之道。因革之大者。有六事。曰清坐。汰嚴徵解。
杜預支。禁虛耗。明給發。慎官守。下部謀。○時倭達既封。
吉能亦脩貢。受約束。因貢爲市。中國以授布官物。易虜
馬。虜亦利漢財物。交易不絕。胡越一家。東自海冶。西盡
甘州。延袤五千餘里。無烽火驚近。邊水陸屯田。悉墾治。
如內地。所省糧儲歲數十萬石。于是召王崇古入。協理
京營戎政。而以方遘時代之。○輔臣張居正率吏部尚
書張瀚。兵部尚書譚綸奏。上御屏。

此與鑿近
之說併骨
同功

安知一語
其言雖未
必然然亦
可破俗

其房中三扇給天下疆域之圖左六扇列文官職名
右六扇列武官職名用浮帖以便更換上命設千文
華殿後
省覽

八月工科給事中湯國衡奏言曰蓮社會國有大禁今
縣官先自犯之胡以令民事下所司

時權瑞感左道欲引遊僧入朝建謀浮圖為萬壽焚
修地旨省相視莫敢發國衡疏上工部因持之事遂寢
穆考祐太廟輔臣議禮祐廟新主當從左門入從之時

輔臣以高廟在上當從左入或亦問于禮部侍郎汪
鏗鏗曰故事當從中門輔臣曰安知故事不謬第從左
門入不必議汪遂俯從疏上遂允○上御講畢語輔臣
曰昨日禁中花盛開侍母后賞晏甚歡蓋指慈寧也是

正奏曰。仁聖太后處多時寂寞。惟上念之。上起
還宮。以白慈聖。卽自駕往迎。仁聖過大內賞花。傳
觴歡晏而罷。

上初卽位。宮中內晏。仁聖上座。慈聖猶在閣中。
不敢同坐。其後稍久。迺並坐。云。國家法極嚴。上
諫兩官朝。皆設席坐前。越於叩頭。跪而受茶。迄不敢
坐。卽時內晏上座。上坐東閣。中宮坐西閣。每一奏酒
上自執爵。中宮持樽。長跪而獻。仍各退入東西閣。再
奏又出。以至九奏。傳兩宮起。上與中宮仍跪。請留
已乃設小座于閣內。兩宮帝后同坐。行爵無筭。始
爲家人禮。蓋大晏。帝后不坐也。官中內晏。謂之上
座。先朝有奏書。要有致語。皆詞林撰進。

十月吏部侍郎陶大臨卒。贈禮部尚書。謚文僖。

大臨會稽人。貌不勝衣。而識沉守介。爲講官。諄諄以
正心室欲敬天法祖爲言。在吏部。參決大計。所決必
皇明法傳錄。主。朝卷一。顯皇帝。

多得當持已實畏尤
嚴取士士論賢之

穆宗皇帝實錄成

十一月遼東大捷初東虜見僚答已得放而獨已土壘
連把亥請封不許故驕踞耻言脩貢事隆慶五年冠連
山驛又寇盤六年寇長勝堡萬曆元年犯鎮西堡邊
外秋寇鏤嶺又寇鎮寧因命大築亭障修烽火爲備甚
具虜入犯輒大創去茲糾建州屬夷寇清河逆酋王杲
誘殺我裨將裴承祖等督撫張學顏與總兵李成梁鼓
行而前乘勝直搗紅力寨斬首計千餘獲牲畜無算捷
聞諭功行賞有差○以禮部尙書張四維入東閣預機

此有舉註
係之押
上初八
居正儀
欲屬其伴
矣

希忠以太
師位元公
希孝位太
傅禮貴無
兩太師恭
謹前畏太
傅移建育
文此能以

密政務故事入閣者。上曰。同某人等詳事。至是直曰。隨着元輔居正辦事。欲夷之僚屬也。四維恂恂若屬吏矣。

首輔公曰。四維之父。賈誼長於策。累貨數百萬。而王崇古其甥也。塩在海東。相與擅一方之利。是時節永春。惡其橫。上廉察之。詔勿論。四維意不懌。欲引疾請告。然家富于財。而歲時恭候居正。不絕正悅之。故有命上御講筵。請帝鑑圖說。至宋仁宗不喜珠飾事。謂輔臣曰。國君好尚。不當在寶玩。而當在賢臣。珠玉之類。饒不可食。寒不可衣。要他何用。又曰。官中婦女。只好裝飾。朕于歲時賞賜。每每節省。官人皆言用得爺爺多少。朕官庫中所積幾何。汝等要他何用。○成國公朱希忠卒。

功名終業
世之效也

不畏刑獄

不索平國

法之是也

通

皇明法傳金

其弟希孝例請贈王事下部議部郎陳有年執事竟傳

中旨准照寧陽王張懋例追贈定襄王希孝貴用事

居正馮保倚為腹心王篆攝部密承居正旨竟欲王矣

驗封司郎中陳有年疏曰令甲非有奇功異能不得越

請希忠雖扈從不過人臣僅僅職事何奇異可絕而越

請者非法遂請者不職臣終不敢溺職徇非法篆欲削

賸因爭不可卒以原疏上居正不悅意旨從中出有年

即日乞病歸

高汝栻曰令甲非有軍功不王規定王希惟中山一

人張氏三王河間靖難祥符平交趾又死上木其一

愆也朱氏三王東平靖難平陰戰死其一希忠也後

四王皆與令甲合惟寧陽在正德中以射備獲與

松寧等罪武肅欲封之。年者滿朝迄不見聽。然後假平昔之功。不爲無名。至于希忠。直以誠謹有餘。爲三朝元臣。遂敘異典。非法甚矣。當時內而馮保。外而武清。爲之左右。居正居間。左提右挈。其中有說世莫得言之矣。

廣西懷遠縣。猺峒苗叛。副使沈子木率府江戍兵討之。連破七十餘砦。斬首三千級。俘其酋。募府上功。賜白金文綺以賞之。縣居故無城廓。有馬令者。奮欲城之。諸猺恐。遂殺令以叛。子木往討。時兵已及瓜。皆散去。賊甚張。子木駐節融縣。潛約府江戍卒。扼其衝。尋設方畧。倡勇敢之士。鼓行而前。遂大破之。

十二日。左都御史葛守禮卒。贈太子太保。謚端肅。

河衛之不
通正統之
難維久矣
然以小好
大以私營
公河故道
之淫由于
戰國專利
之士宋漢
之節傷哉
其言之矣

守禮山東德平人素直淡素不為清榮立朝稱引國
事當否徐以數言析羣議屹然中立不隨人俯仰蒞
衆如獨設言如行
有古大臣風焉

南京兵部尚書劉應節因漕河梗塞輓輸不繼請濬膠
萊河上允行○以陝西叅議李學禮補山東叅議協
理膠河工程上疏曰嘉靖中副使王獻按元故績鑿馬
家壕通淮船建開渠以時蓄洩導張魯白現諸河助之
功垂成而以陞任未究今商船淮安由新渠經安東靈
山以達麻灣麻灣新河南口也冒邑由海滄直沽達天
津入會通潞河海滄新河北口也按廣輿圖及新河議
畧麻灣至海滄則三百三十餘里非若滄海千里迂迴

故河者天
地之大中
國之經緯
未詳以已
意處之也

也。下接三河。上接三山。海潮出入其勢自然。非若引汶
絕濟。強決細流以諸水也。自元迄今。岸不崩。沙不淤。父
老傳爲銅幫鐵底。因勢疏濬。一勞永逸。非若黃河衝突。
迂徙不常也。但以馬家壕底石。與分水嶺間隔耳。馬家
壕已成渠。功十七分。水嶺地勢雖高。亦有河形。當深濬
者三十餘里。量濬者一百五十里。湖所及處。脩岸立閘。
可耳。夫難開石。工旣成。則易濬。土工宜舉。我朝初浚
會通河。積素年之勞動。數十萬之衆。經數百里之遠。深
惟國家急務。建大工。不計小費。况事倍功半。安可棄之
要而言之。有三利焉。不犯大洋風濤之險。千艘徑達南

願嘗慨天
平方薦嘉
玉以禮河
神而在下
之臣即國
以行其舊
貴之術則
天成金功
之格附焉
繼功之國
坎天甚大
故曰雖在
任事之人

北要道。諸羣悉從此轉輸。其不便海者。沂會通河以入。
則清河歲運可分。即一路塞而他路自如。利一也。登萊
斥鹵田。卒汙萊。民困數逋其課。通運道。則商賈懋。廷麟
集仰流。天下大濬。資生多方。地日墾。藝利二也。清卒無
事。講習水戰。可以禦倭。制遼。海利三也。天下事無不可
為。難在任事之人。夫王獻非前事之師耶。疏上報可。此
膠故元所開運道。曰新河。學禮為州守時。相度經費。以
其策干當路。稍傳之朝。宰臣奇其策。毅然必行。故從陝
西調之山東。以佐司空。事及將有緒。而忌者機之。寢不
行。○輔臣張居正進郊禮圖考。為書三冊。首叙分合沿

華之內次具境域陳設規制圖。次列儀注樂章等項。
上命留覽發答。

乙亥萬曆三年正月編脩張位請申飭史職一議奉旨
責成一議史臣侍直一議纂集章奏一議紀錄體例一
詳開設館局一議謄錄堂管一議補記註上允從

原千里馬

西域獻千里馬養之邸中禮部以部微却之

千里馬通天方國所獻青毛色鹿頭鵠頸耳如竹葉
不甚肥大而神駿權奇意態閑逸步之增塊翼旋如
風一騁竟日千里

高洪武日遠人慕義從萬里獻馬使使持去以爲
朝延惜價馬之費意必快快不如以詔旨却之而償
其道里之費與所獻累相當不則受之以付此選爲
候騎可以示西域不貴其馬以折其心又于朝延
之體無損而事亦兩益云

微探之不
與事之
無也

武清伯李偉請價自造墳塋事下部工部尚書郭賓援
世廟章 聖皇太后母家玉田伯蔣翰例擬折銀二萬
兩 上嫌其薄部力持遂如初議

陳仁錫曰、皇上孝事聖母、爲厚外家之心、從優議
處、固無不可、但孝在無違而必事之以禮、愚竊謂
而必裁之以義、貴戚之家、不忠不實、愚不知節制而
循禮、豈乃可久、越分之恩、踰涯之請、豈所以自保哉
五月遼東巡撫張學顏報稱達賊二十餘萬謀犯遼東
前哨已到寧前請兵請餉急于星火 上謂輔臣曰、虜
寇猖獗深以爲憂、輔臣張居正對曰、暑月非虜騎在遼
之時、料無大事、請寬聖懷、既而前鎮總兵官戚繼光備
稱諸酋久已解散、時下正謀撤兵、兵部復遣人于宣府

省城門
即正堂
地家

探西勝青犯都動靜則本酋一向在巢住牧未嘗東行
遠東所報皆屬夷詐絕無影響云

吳楨曰兵家之要知彼知己審虛實而後可與待敵
可以取勝今無端聽一訛傳之言遽爾倉皇失度則
彼已虛實茫然不知其與風聲鶴唳草木皆兵者何
異故不以虜之來不來為憂喜而以進退臣之不知虜
情為可慮也

戶科右給事林景暘上聖德十二箴上嘉納

兵科都給事中裴應章奏虜勢方張長昂諸酋數次犯
制取緩急宜中機宜下部知之

六月雷震端門鴟吻正晝地震河南道御史傅應楨上
言三事一日存敬畏以純君德二曰蠲賦稅以蘇民困

高宗曰
春秋論
其大平集
笑而張焉
次之則
宋廷者天
意所不
得開國
不勝碑此
之張火寒
至于在者
而王安
引之則
言占必不
足信則人
莫天之罪
人而江陵
之虞氏

三曰覆言官以開忠黨中引王安石三不足是語又請
貸錢教舉用言官趙參魯余悉中命下錦衣衛領榜
副輔臣張居正上疏申救已而杖之遣戍于定海先是
應楨罪詞不遇微文指斥未著張居正姓名上亦不
甚怒及左右以居正之指從旁激之目為誹謗云時居
正方操大柄威懾天下下刑部問狀居正陽為申救除
實恨之尚書王崇古以當罰金對不從故戍之三不足
之說其語似侵之矣而請貸疑于暴短所舉用者又皆
犯其所忌應楨至戍所八年始召還

高宗秋日王安石款微意以圖重雖天亦其所忌而
務奪其可畏之勢若論江陵其心術之公則不如安

其與以之

是天下

皆究傳而

莊御史給

事

大約掃臣

歐陽行主

權必先樹

所以折舊

官之氣一

時御史給

事皆被陸

不建矣。即雷擊。奉天臺諫欲上公疏。往往請居正。正曰。何必紛紛如此。既是雷電。如何能不擊物。此其一証也。

奪給事徐貞明。御史李楨。喬巖。秩二級補外任。傳應楨杖日。貞明等徒跳闕入。獄門營護進。栗粥。遲者以聞。江

陵傳旨。詰御史給事。何得闕入禁獄。貞明徐應之曰。應

楨直臣。臣等知其無罪。故左右之耳。居正怒。明日。有

下。皆謫于外。削南京戶科給事中。余懋學。職爲民

居正念御史在外。驕傲。往往凌撫臣。出其上。痛欲拆之。

一事不合。詰責相。隨初令其長。嚴加考察。以故給事御

史。雖畏居正。而中多不平。抗勁喜事者。出而劾之。懋學

疏請行寬大之政。居正以爲風已故。李職。玉果料。處

補江陵之
心路人部
之失

皇甲清傳錄卷十

十九

盜邊副總兵曹簪樂之。果走東夷長王台所。曹簪厚市
夷賞。謀果匿酋阿哈納寨。勒精騎馳勦。果偽以蟒掛紅
甲。校哈納脫走。將投土蠻。會撫順關。負市夷急購。果乃
走素善東夷長王台所。開原兵備賀濤宣諭台。遂與子
虎兒罕執送境上。檻車傳致獻俘。詔磔果。時台官已
都督。該當加一品勲階。吏部擬上加柱國。傳旨竟授以
龍虎將軍秩。二子並進都督僉事。始果以數寇罷市。
賞詭名科勾來貢。至是邊夷覈果。勅十八道中科勾。
卽果也。是時王台所轄東盡灰扒兀刺等江。南盡清
河建州。北盡二奴延袤幾千里。內屬保塞甚盛。

居正不避
經怨正欲
報怨第東
千人言故
陰陽其際
耳

二臣行徑
所被一有
所恨惟之

高汝弼曰時加台龍虎將軍台大感悅夫蠻夷之長
帥儼然稱公卿殊奏一朝廷之禮而彼又不知為何
官也龍虎將軍者公卿無此官以貶蠻夷彼以其名
我必甚自喜而于名器無損人之嫌趣高下于此迥然
丙子萬曆四年正月 上御文華殿開講召大學士張
居正問曰傳應楨以三不足之說誣朕 命廷杖先生
何以不肯居正對曰無知小人狂悖妄言死有餘辜但
朝廷待言官當存體面昨如此處置外人已知 祖宗
法度 朝廷紀綱 皇上不必介懷 上曰先生當盡
忠報國不要避怨居正奏曰 先帝臨終以 皇上付
臣臣受 皇上厚恩捐糜難報何敢避怨 上曰昨文
書官持本請開二先生何不一言想也是避怨居正

甚矣又曰
與臣不同
其明矣
其然矣
洞明如神

皇明治世卷一
奏曰。二臣皆臣所拔。以事。皇上盡心爲國。決不避怨。但二臣事體。與臣不同。况此皆臣之責。上曰。科道何以申救。居正曰。此皆故套。亦非有所欺慢。上曰。渠等疏中。說應楨有八十老父。卽取登科錄檢之。楨但有母。無父。何謂不欺。居正又申救一二。天顏始霽。○詔杖御史劉臺一百。謫戍極邊。尋釋之。削職爲民。劉臺張居正所取士也。由刑部主事。改御史。居正方擬以爲德。臺與居正。寓頗近。數刺得其陰事。而惡之。方案遼東。疏其黷橫十餘事。因悉次情。張四維。吏部尚書張瀚。益應楨所奏。詞連張職。臺直論二相不涉乘輿。上亦不甚

江人
泣樹聲

欲竟之。居正上疏乞休。見上俯伏而泣。不肯起。上下
御坐。以手掖之曰。先生起。朕爲這臺。竟其獄。以謝先生。
于是下臺詔獄。詔杖一百。謫戍時。物議頗熾。居正不
自安。陽具疏爲解。得不杖。奪職爲民。居正心實恨之。後
竟置之死。○禮部尚書陸樹聲。稱疾致仕。樹聲登第四
十年。立朝不盈數載。每遷一官。輒以病罷。閉門晏坐。焚
香啜茗。卽親戚故人罕接。其面自其爲庶吉士。移疾還
其後。告滿詣闕。嚴嵩柄國。官無大小。皆有定價。而館職
尤重。世蕃知樹聲無所挈。第使人索松江綾子二百疋。
當以翰苑予之。樹聲曰。本不敢希翰苑。又實無一綾。作

公所置遂不往謁學士張治樹聲之座主也爲解于嚴
嵩嵩曰彼陸生者何其徑庭張曰秦人不足較乃令出
試以南宮首舉不得已授館職而意終不釋然張治憂
之乃私以錦幣四雙白金四十兩使人持候嚴嵩門下
使使召陸吾爲汝謁可往見相公一謝陸從命往張治
又使同館嚴某介行至門張使持金幣者以刺授陸使
自爲獻陸大愕嚴告之故樹聲不言懷刺而入一揖卽
出終不出刺嚴嵩出送見門左持金幣者問曰此誰所
具樹聲曰不知竟不獻而出嚴嵩大恨樹聲授職未幾
又以告去數告數起歷兩雍南部萬曆改元以大宗

伯召還至是與內閣論事不合後稱疾致仕去

高汝欽曰惟公在華亭嘗問時又同年同鄉事落後
穆搜無所附麗其人蓋可知也嘉靖數十年間海內
清望必以平泉先生為第一

是禮部侍郎馬自強為禮尚書馬自強向為講官音吐

高亮上退講畢至帷後嘖嘖稱善及推禮卿上遣

中使問閣臣尚書可兼日講否閣臣具言禮卿職任繁

重不能兼適已○三月內閣奏設起居之職以日講六

人日直起居御門早朝史官立于駒頭之下駕出庀

從上○一日還宮偶有戲言顧見史官慮外聞之自失

曰莫使起居見見則書矣

起居之役
有甚于君
德如此

上以成祖四駿圖、騶虞手卷各一幅、賜大學士張
居正、居正于四駿圖題詠奏之、而藏騶虞手卷于內閣、
上悅以白金賜之、

六月以感天府尹吳文華爲右副都御史、巡撫廣西、
時昭平賊首黎福庄父子聚衆剽掠、執孝廉歐鳴鳶、索
贖贖聞華至、俱釋之、華若伴爲不聞者、會督府徵師討
羅旁、兵監東陰留三千、屬裨將韓文啓掩擊之、斬福庄、
乘夜攻下五指、白眉諸寨、斬首一千三百餘、隨招撫余
黨二萬餘、卽其地、建營堡二十一、得田二萬六十有奇、
授之新附、及諸戍兵、○總兵戚繼光重脩三屯營城、

咸同將才
其建置自
有益于國
策

三屯營在遷安縣南百二十里左山海右居庸而縮殺
其中以要貢路示重舊城痺痺而隘南有境垣為截殺
營卽移鎮府所芟也間有闌闌獨無城守且屯戍非土
著兩防罷空營以行去遵化五十里忠義三衛一所
之隆慶初繼光膺總理之任經營六年次第就緒會
卽位詔增飾邊城因得請令移忠義中衛于三屯城內
置衛增營繕建公署次年復繕舊城以備睥睨凡制甚
具贊後不佞云○浙江按察使李攀龍卒攀龍嘗為陝
西提學鄉人殷某來巡撫殷以刻嚴名尤慢傲嘗下微
筆龍不悅移病乞歸殷固留之入謝請曰臺下一介

此等人不
可入高
士傳

潘酒出座
歸解之帽

皇明法傳錄卷一
來命不則尺牘相屬無不應者似不必徵也。殷惲然起
謝過曰。豈我重去官耶。不待報而去。後起浙江總憲。未
踰年。旋即歸家。居悉取冠帶焚之。客至。敵曠舊衣一。一
就坐。無交讓寒暄諸禮。以是得簡傲聲。客非同調。即終
席不交一談。足跡不入城。每苦吟倦悶。策一蹇一。一
騎從之。環山行數匝而歸。卒以爲常。刻意爲詩。詩可追
踪李杜。無干萬曆已亥歷城令陳采爲請所司。擇宗子
爲之後。給官田。以贖其一妾二婢云。○重修大明會典
會典創于弘治十五年。續修于正德四年。再修于嘉靖
二十八年。萬曆四年題。重修十五年進呈。禮部刊行。

其條例大約出洛陽修姚之手

高沙試曰大明會典一書何一事不備何一法不備
何一時不可遵行此我朝二祖列宗不朽之鴻謨
然一世子孫所製述故寧株守太過無寧參通融之
蓋萬世而無與說者曰近來特務事更宜請重加脩
訂愚以一政不必脩訂也此書增益于累朝之請
我定于神祖之初年令既不刊代亦未遠凡今日所
見行與典制小有不同者大抵沿習之漸非宜皆功
令之應改倘或以因仍廷就之便稍加筆削其間則
成法愈不可華游移究將何極但能力仍舊實自有
百是而無一非也矣

七月歲大祲下詔賜民田租并命歲久重賦度不能

輸將者其悉除之閣臣張紘正請令今歲賜民改折

十分之三上從之時太倉所儲足支八年獨大祲

時正當
兩府有
集

無養金而民間復苦輸粟。上下交病。於元改折。則實公
裕寬民力兩利之道也。○歲與虜互市。饒馬則賊太僕
種馬而令民以其價納太僕。積銀至四百餘萬。

北三賊橫恣。廣西建撫吳文華討平之。北三者。柳州
賊巢也。聚黨萬餘。悍善騎射。號剽馬賊。諸將畏縮無
敢嬰其鋒。文華曰。賊強而負固。宜智取。毋與力爭。適河
池啼咳有警。廼遣卒七千餘。俾參將王瑞等往勦。既得
捷。卽馳檄諸將曰。吾名攻河池耳。意圖在北。三今河池
捷。北三謂我兵疲且休矣。必不我虞。可擊也。遂督兵分
道進。賊果不備。連破七十餘巢。斬首四千八百級。俘獲

亦出其不
意耳。文華
活乎知兵

稱是當文華舉事時謀甚秘不及聞于督撫督撫江陵
私人也遂薄其賞事聞祇賜金幣錄一子入太學

輔臣進 皇祖御書聖諭御製御批凡二百四十有二
上留覽○上命追原任僉事隋府下之獄尋宥之○隋
以殘暴罷官里居橫甚其授業師某爲邑丞年八十餘
府欲謀其產致之于獄其子上書訴府不法事 上覽
疏怒甚使中官問閣臣曰人之爲惡至于如此且辱其
業師大不可容其迫之下吏輔臣張居正復奏以府罪
固不可恕第怨家之言恐未必實且訴告之門不可輕
開事遂寢府魚臺人四維之門人也

此書最中
今日病根
奈積習之
牢不可破
耳

山東巡撫某奏昌邑令居官貪鄙竊帑金及遷官去道
中推吏卒金上命逮治之時上覽疏持示輔臣且怒
笑曰道推吏金與盜何異張居正奏曰方今法紀初張
而貪風不止若要天下太平須是百姓得安若要百姓
生須是官不要錢上曰先生言是昨覽其疏此人題
是進士出身何其無耻如此居正奏此人惟自恃進士
出身故敢如此放肆不然亦尚不敢今後皇上用人
惟當考其功能不必拘其資格若不要錢者雖異途下
僚亦當顯擢若貪贓壞法卽高第貴遊亦當重處上
曰善

丁丑萬曆五年正月工科給事中虞德馨奏言遵制查盤厥庫請革兩殿冗員上諭見差內官免革以事之繁簡欽定二十五員遇缺差補軍伴三百名應役餘悉革著爲令○二月會試以禮部尙書兼大學士張四維詹事兼侍講學士申時行充主試官取馮夢禎等三百五十名○三月廷試賜進士沈慈學張嗣脩曾朝節等及第出身有差

嗣脩居正子也名在二甲第

一、上落姓名、按置一甲第二、

世宗肅皇帝實錄成賜輔臣以下纂脩官銀幣較焉有差併晏禮部○詔脩慈妻慈寧二官族罷之時輔臣

兩唐按民
所以肥瘠
定稅調兵
兩役及他
賦稅皆以
稅錢爲準
此江官條
驗所由始
也

言兩宮規制甚備。又至壯麗。足以娛聖母。不宜時訓舉
盛。令羣臣噴有煩言。上入告聖母。因得罷。○戶科尤
愬言賦役之法。以賦屬之田。以役屬之人。夏稅秋糧。因
其地焉。等則有三壤咸則之宜。至銀差則額役之遺也。
力差則力役之遺也。論戶丁而籍之。謂之均徭。稽籍定
役。無與于田。至嘉靖末年。創立條鞭。不分貧富。一例攤
派。甚將銀力二差。與戶口鹽鈔并之于地。而丁反不力
與焉。商賈享逐末之利。農民喪樂生之心。于民甚不便
高汝斌曰。陸贄論兩稅之立。惟以資產。不以身丁。不
惜資產中。有載丁。謀懷發。而人莫能究。有積于地。
國固者。而衆以爲富。有流通諸息。而終歲無利者。一
暨什計算。絲宜其失平。長偽。而足務輕資。而樂轉徙。

武清一木

士大夫

不敢作

盛福况

之○河

王党二

事皆與

微而上

尤審呼

搜與之

武清

武清

武清

者恒脫于徒稅故本業而樹居產者每困于欲求此乃誘之為奸熟之避稅力用不得不死財用不得不關此數語可謂盡而稅之委曲矣雨稅之法即今之條鞭條鞭以地產為率而不計其資故農困而商寬此疏與宣公所陳大畧相似

武清舍人任軍士布花餉人多所乾沒軍士大譁內使

以聞上命取軍士所支布驗之果紕繆不堪太后

怒甚諭內閣欲革武清爵上御講筵亦召閣臣言

狀張居正力為營救上乃止太后召武清父子立于

官門外遣中使出數之而抵舍人于法武清父子服罪

而出○御史郭恩極言江南運道梗塞請開練湖以通

水開孟濟以通舟嚴發牛呂城二關以待運○以兵部

皇明法傳錄卷三 明卷一 顯皇帝 三

與以是得
再超云

尚書凌雲聖督撫嶺西時 羅旁諸徭據東南山海間
東西二山相距驚江急峽飛岩斷壑諸徭窟穴其中與
浪賊黃德祥等轉相寇掠蔓延不可撲滅于是賜聖書
以雲聖往師號三十萬八道並進克木夷山推破諸岩
峒五百六十有四俘斬四萬有奇拓地數百里置郡縣
捷聞賜賚有差○輔臣請 聖母裁定大婚吉期 詔
以次年三月內擇吉行禮○上奉太后慈旨諭閣臣以
今歲大喜暫免行刑閣臣張居正諫曰春生秋殺天地
所以運行雨露雪霜萬物因之發育若一歲之間有春
生而無秋殺有雨露而無霜雪則歲功不成而化理滯

奏明王奉若天道其刑賞于奪皆奉天意以行事縱使
今歲不決將來亦無生理與其暗斃于獄而人不知何
如○慈○初○而○申○法○乎○上○令○照○例○行○

閏八月徐州河淤宿邳清河桃源兩岸多決淮爲河過
徙而南高郵寶應湖南大壞○雲南土官普崇明兄弟
構爭巡撫鄒應龍輕信中軍楊守廉移兵進剿懷寇乘
之兩致喪師應龍去繼任者爲王凝計擒元惡撫處殘
民亂定詔戮守廉傳首地方○俺答投書甘肅撫臣乞
開茶市御史李時成言番以茶爲命不得籍權于虜請
量給供佛茶百數篋以示恩○上手書洪範一篇潛玩

湯字考
 當作去聲
 無一字何
 足深研乃
 江陵廣王
 之威有恭
 棄之斯于
 是決矣

張居正指字句仰叩。上——了。敝應言如響。上在
 講筵讀論語至色勃如也。讀作背字。居正從旁厲聲曰。
 當作勃字。上悚然而驚。上宮中或時與小內侍戲。
 見馮保至。即正襟危坐。小內侍侍上戲者。保常陰罪之。
 故宮中皆憚保。即上有所責罰。非出保口。毋敢行者。
 上稍長。積不能平。左右親職。稍短保于上前。上以大
 后故不發。然心恨之。

高汝斌曰。時江陵用事。與馮保相倚。共操大權。于君
 德。夫待不為無益。惟憑藉太后。持人主。束縛鈐制
 不得申縮。至。上聖明。心已默忌。故禍機一發。遂不
 可救。世徒以江陵推折言官。得切政體。為政禍之端。
 考情起服。二子得第。為得罪之本。因皆有之。而非所
 以敗也。江陵所以敗者。保在。保弄主權。誇制大過耳。

九月封少師張文明卒。文明居正父也。訃至辭朝。上御文華殿西室。居正墨縗入。見涕泣叩辭。上亦爲之收淚。既以手諭宣慰。遣中貴慰問。視粥止哭。絡繹道路。帝與三官賻贈金幣麻絮油炭甚厚。于是居正上疏請乞守制。御史魯士楚給事陳三謨上疏乞奪情。視事事下所司。居正之喪。上亦未嘗有留之之意。起于其同年李幼孜倡謾詞。謂上冲年不能親萬幾。不可一日無相公。何忍舍而去。遂以奪情之說進。于是居正之心始感。大臣倡台省繼之。保爲內援。于是夜深已下二鼓。特旨從中出。留之內。豎將司禮之命絡繹。且受意于

呂張二輔引奪情例以聞天語慰留焉

高汝斌曰江陵之喪古今寵遇一時相傳不知此實似道故事也似道平時尊禮至入朝不拜退朝而出人主避席月送殿庭如坐已而稱疾欲歸人主涕泣拜留命大臣侍從傳旨固留日四五至中使加賜日十數至此何禮也江陵晚節禮遇亦異相儼至爾太岳先生又過于往代矣嗟夫君上寵榮出于逾貴大非人臣之福有識之士以為悞不以為榮也

十月朔彗尾見斗牛間其尾指婺女長數十丈光芒竟天狀若練氣成白虹下詔百官脩省

大內火○大學士張居正疏請暫遵諭旨青衣素服角帶入閣理政及經筵講讀又請辭歲俸從之

上命司禮監魏朝偕居正子編脩嗣脩馳往代司喪也

補臣位侍
天下具瞻
必正己而
後可止百
官正萬民
安可以不
舉個平

王人小吏
 既長有律
 况大臣乎
 即謂輔弼
 之臣有往
 例可稱亦
 三年未終
 而卒一日
 未去之謂
 此吳趙諸
 府得錄其
 正史綱不
 至等處者
 猶如此耳

其母來京侍養。輔臣張居正留京守制。先是居正辭疏云。守制是常禮小節。且云有非常之人。然後有非常之事。踰一二日。即平章幾務于苦塊中。欣然無哀戚狀。編脩吳中行窺其意。杜門草疏欲上。而檢討趙用賢與脩撰沈懋學時過學士王錫爵所。慷慨教嗟曰。波流瀾狂。砥之障之。豈無其人乎。臺省諸諫官。望風承旨。聯名乞留位九列者。後四出。囑其長為倡。以效之。于是觸目激發。各有伏闕上書之意。趙用賢歸草疏。疏成。旋轉問曰。史臣無言責。姑俟有先發者。以明大倫。仲大義足矣。于是過吳中行。抵掌譁時事。詞意激昂。殊勃勃。因微洩錫

錄其私情
 當全其大
 節小人也
 固一時獻
 議不顧臨
 世綱常之
 之尚論
 之論論
 居八座
 何者是以
 為世論
 也

中行用賢
 予居正有
 附錄之公

降痛憤語沈懋學乃臨書居正之周親雅相善者為工
 部尚書李幼滋日師相之歸宜決臺省之留宜寢勿滋
 答日以若所言宋頭巾語此宋之所以終不覲也師不
 奔喪是聖賢之道直接拆逐征誅而得其傳者本朝
 惟新建可與言羅生正不達此耳用賢嘆曰臺省有疏
 則臺省無言矣翰林風化之原繼文毅而起者誰與中
 行遂出前疏相示用賢亦山袖中疏閱之且讀且計日
 此所謂嘻笑之怒甚于殺罵者君能置死生乎不能則
 不可為中行領之曰齊心舉念時業已辯此矣兩人淚
 潸潸承睫而別十八日中行書首上即過居正所投揭

既正不欺
之患無所
之義也

歷歷痛楚
豈不自地
而必于脚
天威犯師
怒者亦以
罪是非過
勅戒維持
故古倫紀
耳

帖揭帖入久之傳語曰這本不要上中行曰業已上傳語曰既上復何言回家候旨耳中行曰這本替老爺陳乞恐朝廷怒耳豈意老爺怒左右作柳榆以退中行中行復過學士王錫爵禮部尚書馬自强處各投揭帖蓋學士院長宗伯館師也錫爵曰我已籌之恐不止于無官當有罪矣時已薄暮自强接揭亟索燈讀之拊掌擊節曰本院生光吾黨負愧我與典禮之宗不忍辱爾特以地位相逼為嫌耳遣侍吏入記室取左都御史陳瑛刺來刺云師相之事公卿乞留宗伯亟倡之亟入慎勿遺我昨瓚年已望八病甚請休沐已久自强因書刺

心死一言
說者謂

傳士楚劉
城軍皆公
謀而向私
謂及至情
而信與論
已痛士習
是之不明
也而居正
後為此言

皇明法傳錄卷一

三

尾云此老之病必不起矣以其心之先死也。素以硬硬著聲。今若此古云蓋棺論定信哉。因顧中行曰我之情見乎辭矣。十九日趙用賢之疏上二十日中行偕用賢同赴闕候罪。二疏俱留中不發。時以星變火災建醮停刑。知必有繼起者。故稍待耳。居正之怒甚盛。招劉備劉城入幕。語之曰吳子者我極愛之。且有厚望。望其為伊周。何乃做一個羅一峰。便了他一生。羅一峰有甚好處。要學他繼之者。趙子二子將座主先生立名可乎。昔又有劉臺者。是誰瞎眼。取這等門生。語多忤逆。劉城因逼吳趙所詰之。謂若好名。不宜以座主為解。中行曰不獨

世阿意
言者多而
以特迎達
合之言焉
是加

我好名亦欲以好名成師相忠孝之節正所以報座主
座主之名完則門生之名不得成矣師相豈以刑威殺
戮足以攝服人人固有視死生如且暮者王錫爵知居
正怒合翰林自宗伯而下數十人求解居正拒不見錫
爵乃徑造喪次曰本衙門兩生狂妄望老先生寬宥居
正曰疏留中我不得預聞恐聖怒不可測錫爵曰即
聖怒亦爲老先生而怒語未訖居正忽屈膝于地舉手
索刀作劍頸狀曰你來殺我你來殺我錫爵大駭遂趨
出二十一日中行用賢席某俟于東長安朝房兵部滿
已歸宿居正家僕門隸變衣裝伺察者旁午道路以目

四君子
四大理民
其耳原不
得罪于名
後亦不得
罪于
朝廷杖
辱亦無尤

天衣無
縫

追贖矣。復有刑部員外艾穆主事沈思孝共上一疏時
居正亦彷徨遣張驛走卒伺探諸曹中稍涉形影。遂屬
其所私客。慰諭以阻之。家人游七徐爵往來密勿者數
十者而謀始決。皆履易履重。初傳四人皆杖戍。後
下刑部杖八十。謫戍。兩翰林杖六十。削籍為民。是日
都人集長安道者千萬。朝易監不能容。至壞檻毀檻而
入。晴煦中陰雲陡結。天鼓大鳴。餘曠失光。兩翰林辭色
從容笑而入。兩刑部復有諍言。諸杖畢。兩翰林曳出。至
長安。以板閤舁之。歸兩刑部加錄鎖。且禁獄中。三日始
食。發戍中數數。聞神人語云。此天地開正氣。天地開正

氣云。時侍讀趙志皇、于儼行、張位、李長春、田一雋等。各有經教之奉。召不入。吳趙儼寓都門外。有公卿往慰勞者。還卒飛騎。一一記籍之。厥衛之命。限僅二日。褻創去。居正已襲冠裳。于衰經登朝。辦事出朝房。見客未幾衣緋懸玉與吉典矣。

時庶子許國錫玉杯一。以贈中行曰。班班者何。卞生游英。笑者何。蘭生氣。追之琢之。永成器。錫畢杯一。以贈用賢曰。交半一角。其理沈默。不惜。

剖心。寧辭碎首。黃流在中。爲君子膏。都中有謗帖。揭之通衢云。科道羣狐。提尾。翰林雙鳳。齊鳴。又云。居正身不正。用賢相不賢。思孝心何死。中行道始全。蓋文能醫病。元標欲轉天。五賢一不肖。干我定須傳。

高汝棡曰。故事。閣臣有喪。同館輪一人治之。時中行在事。察居正哭之不哀。心恡之。反趨告李情。心愈恡。皇明法傳錄卷三。朝臣一。顯皇帝。

因上疏受杖杖畢血噴鼻面皆黑山都知明日息猶
性激烈杖後剝去肉數十處大盈尺深入者寸餘及
愈竟空一殿云其妻陳恭人腊而藏之彼用賢遇事
嫉惡輒懸所腊肉示僚屬人出潞河妻子流離行李
零落病以旅棧寒燈破壁形影相吊至洛河偶遇嚴
賈張文忠遂近風塵頗爲周旋始得
歸居三月厥衛之迫逐猶不已云

罷吏部尚書張瀚以王國光代之初廷推瀚瀚名第三
上越次用之張居正自以爲德希瀚報奪情事起遂徵
中旨屬瀚留居正亦自爲讀風之使留已瀚若不喻其
意者謂政府奔喪當以殊典卹之宗伯事也何關吏部
居正乃令所善客說瀚瀚勿聽又不欲顯居其名乃諧
三尚書密牒居正動以微言居正大不悅于是有詔切

責謂瀚奉詔不從。無人臣禮。是時廷臣多惴惴各倡保
留之議。瀚拊膺太息曰。三綱淪矣。居正益怒。嗾臺省劾
之以爲昏髦。勒令致仕。○觀政進士鄒元標奏言。亟勅
輔臣回籍守制事。居正才雖可爲學術。則偏志雖欲爲。
自用太甚。諸所設施乖張者。難以盡舉。姑舉其著最者。
一日進賢未廣。二日決囚大濫。三日言路未通。四日民
隱未周。即使有利社稷。猶大壞綱常也。况無利社稷者。
此而可留耶。臣伏讀聖諭曰。朕學未成。志未定。先生既
去。前功盡棄。陛下言及至此。宗社無疆之禍也。今居
正丁憂。可挽留之。脫有不測。陛下之學將終不成。志

時仗兩輪
林元標傳
疏而立于
庭旁視受
杖切齒填
足俟杖四
而上疏後
兩目復收
于庭如前
刑部

將終不定耶此臣所未解也臣觀居正首疏云有非常
之人然後辦非常之事非常之事非常人所能辦也是
其心蓋自爲非常人今父死不奔喪不曰薄倖則曰喪
心可謂非常人耶至皇上大婚大禮也居正以被經
罪人欲雜其間何心哉蓋誇示後人以居成功耳且言
今日上疏留輔臣者曾士楚也臺臣倡之明日上疏留
輔臣者陳三謨也省臣效之朝廷乃首善之地臺省
係公論之所出論及身服繡豸心同犬羊可勝言哉疏
入命杖八十謫戍貴州都勻衛

任袁華目國家自開創以來大臣多奪情起復恬不
知惟得羅一峰一真振已淹之名教覺久昧之良心

此大有關係文字吳楚二派以綱常二字為主反覆發明之親切確實若鄒南阜疏則入江陵他事而大意亦與羅一峯同。

南京御史朱鴻謨劾輔臣奪情申收廷杖鄒元標等嚴旨切責勒令罷歸鄒艾諸臣廷杖鴻謨得報杜門不飲食淚簌簌下其妻數使女輩晉食不御內人從旁泣曰親老家食去牛衣幾何時而忘耶鴻謨曰母多言死矣遂草疏申收語甚委切江陵欲逮治會有中解者止罷歸

戊寅萬曆六年正月禮部請舉大婚詔以首輔張居正克納采問名使副勲臣授冊遣聘○戶科給事中李涑

觀此三論
則慈聖形
神之嚴與
光明之性
無難古來

疏言。大婚吉禮首輔居正有服制不宜與執事乞改
命不允先是居正以有服不與。慈聖亦疑之使中貴
問曰果難易吉乎居正跪其事乃曰國之大事孰有
重于此者且受。上厚恩卽令赴湯火不辭况暫時易
吉耶于是被紫橫玉以出矣。涑疏上居正志甚命吏部
處涑尋補按察司僉事以去。○二月上行冠禮。

三月大婚禮成加。兩宮聖母徽號仁聖加懿安慈聖
加昭文。慈皇諭內夫人等云說與夫人牌子知道我
今還宮。皇帝皇后食息起居俱是爾輩奉侍務要萬
分小心督率答應的并各執事宮人勤謹答應不可斯

聖

須道慢如。皇帝皇后必遵道理，亦須從容諫勸，勿得
匹正阿諛，以致敗度，勿得捏造他人是非，暗圖報復，恩
怨如有所聞，罪之不容，又諭內臣云：說與司禮監太監、
馮保等知道，爾等俱係累朝耆舊，老成重臣，馮保又親
受先帝顧命，中外倚畀已非一日，但念皇帝幼冲，
皇后初進，我今還本宮，不得如前時時照管，賴爾等重
臣萬分留心，務引君于當道，志于仁義，倘一動靜之間，
不由義禮，須要一一諫勸，務求納之于正，勿得因而順
從，致傷聖德。爾等其敬承之。○奉寧衛酋速把孩窺盜
遼邊，累歲不靖，總兵李成梁屢次出塞捕首虜，是月直

揭劈山去邊三百餘里斬阿丑哈等四百三十五級○
上行嘉禮遼東巡撫張學顏大捷奏至叙錄有加○原
任禮部尚書萬士和卒贈太子少保謚文恭

士和鳳陽人嘉靖辛丑進士通籍五十年持以耿介
與時衲整家食者居半在公宜以藩臬去在新鄭以
卿二去在江陵以宗伯去論者
以爲難進易退得大臣體焉

三月大學士張居正乞假歸葬從之遣司禮監張宏供
帳郊外以餞百官班送于春明門居正既辭朝上召
見于平臺撫諭之曰朕不能捨先生恐重傷先生懷是
以忍而允所請雖然國家事重朕將焉依居正奏言
皇上大婚之後宜樽節愛養留心萬幾因伏地而哭

上亦爲之哽咽墮淚因辭慈寧宮 皇太后復以銀八

寶六十兩賜之慰諭有加 命尙寶司少卿鄭欽錦衣

衛指揮使史繼書護送以一月爲期範白金爲印記曰

帝資忠良賜以劍得密封言事其行也原以奔喪參用

虎禮有司飭自羅傘幔執事輿臺胥吏之徒皆具素服

以俟而居正以邊將所饋遺兵器列禁衛千兵百騎前

後部鼓吹光彩耀目于是復率易彩繒一新費復不貲

按二司自歸吏部郭宗院疾泰有歲至朝房私第及

驛傳通達則維長傳而已因臣雖尊貴無跪禮江陵

所經省分二司迂而跪者十之五六意猶未嫌還朝

先遣經謂本閣部所經由二司相見俱照見部禮于

是無一不長跪者臺使越界趨迎罪即身爲前驅約

乘吏卒于頭飭厨傳居正所坐步輿則真定守某所

皇明法傳錄

創前重軒後寢室以便偃息旁墾兩廡各設童子而左右侍立爲揮箠炷香凡用辛三十二人舁之始至州邑郵牙盤上食水陸過百品居正猶以爲無下箸處其無錫人獨能爲吳饌居正其之日吾至此僅得一飽耳守遂超擢巡撫

以馬自強進爲文淵閣大學士申時行進爲東閣大學士○以梁慶龍爲兵部尚書李幼孜爲工部尚書殷正茂爲戶部尚書王篆爲吏部左侍郎

時遼東續奏大捷上歸功居正使使馳諭仰定爵賞以聞且召還朝居正具疏以母老不能冒暑請俟秋涼上道于是內閣兩都郎院卿寺臺省上章請起居正上遣錦衣衛指揮崔汝敬馳傳往迎而令中貴侍其母

以秋日取水路上至期居正就道汝敬先具疏聞

居正過襄陽襄王出候邀宴具賓主禮過南陽唐王亦如之○五月大學士張居正奉旨還朝居正既抵郊外上遣司禮監何進宴勞于真定寺口諭先生以午入

卽召見平臺以未入則賔朋見兩宮亦遣大珪李奇李用宣諭賜八寶金釘川扇御膳餅菓醪醴百僚復郊

迎以次日賔朋入朝上延之慰勞且訪以途路所

見歲計物情與北虜衰敗之狀款語良久仍賜銀幣羊

酒新鈔于休沐十日而後入閣○大學士兼吏部尚書

高拱卒拱穆廟初出祔師拱爲講官斯時兩宮雜處謔

拱當嘉隆
之際處而
才相之則
微方
乃此樹坦
股乃其所
以謝于
耳

言肆出拱周族邸中竭盡心力者九年及拜相慨然以
以天下爲任最有利社稷者莫如處安國享與俺答封
貢二事第其氣英銳勃發議論鋒起而性迫急不能容
物又不能藏蓄需忍有所迂觸之存每張目怒視惡
聲繼之即左右皆爲辟易嬰視百僚朝登暮削以故邪
習忌其柄權同官肆其齟齬幾蹈不測當其歸忽忽不
自得閒從故人飲或盛服擁輿從或策蹇敝袍或從十
餘騎遊獵笑傲自王大臣之獄以後驚成疾而卒時乞
卹典保尚不肯予居正懲忠止給半葬猶列其過于祭
章後二十年上念撫當受降北虜稱臣功不可泯贈

太師謚文襄廕一子尚寶司丞

許重熙曰拱之卒其夫人張氏遣一僕入京上疏求卹典因齎千金器物獻江陵江陵却之僕泣曰夫人使告相公先相公平生素所愛惟此器物無子孫可遺謹以獻相公相公見此如見先相公也江陵色動憐之乃盡納其所獻翌日與下高汝扶曰與化諸公既去獨居正與拱在朝兩人相得益歡後新鄭脩徐文貞舊葬嘆言路追論不已下其諸子於撫按置獄中文貞求放于居正居正從客爲之言拱心動稍緩其事而客之交構于問者謂居正得文貞賄三萬金拱信之時拱無子居正子而且多拱戲謂曰造物者胡不均而公獨多子也居正曰多子多費甚爲衣食憂拱正色曰有徐氏三萬金何憂衣食也居正色變指天而誓詞甚苦新鄭曰外人言而我知之耳以故兩相疑而客從中入察商自此生矣

八月司禮監魏朝奉張居正大夫人取江路真州上將

去與相適
以達帝
天

抵京。上遣司禮監李佑郊迎，與魏朝結騎先驅，鳴鼓，
角列旗旌，橫穿御道而過。上復遣中貴賜金累綵，珍
珠青紅寶石首飾，雜色蟒蟒帛羅九四襲，白金百兩，所
官之賜尤厚。○少傅吏部尚書大學士呂調陽致仕。
十月，擢徐爵為錦衣衛指揮同知，署南鎮撫事。徐爵，馮
保門下筆札人也。遂高拱論，廼其所撰，居正既擢用之，
又使蒼頭游七與結為兄弟，居正有所使，游七入以告
徐爵，爵以達馮保，保有所謀，亦如之。

高拱試日，咸通中，路巖為相，頗通賄遺，左右用事。言
者請破邊戚一家，可曉軍二年邊戚者，嚴之親吏也。
如今江陵紀綱號七，與九者，破其家貲不當賂一軍
二年之費耶。又元載為相，有主書辜英倩，竊權用事。

士之求進者非得英倩無由自達其家貧可數千其
中書省吏謂之堂後王官最爲親密此輩外扶竿相
以要士大夫內扶中貴以鈐宰相一時不得
則血脈不通政多枉濫今日徐罰正其人與。

宗藩事律要書成。頒示各親王宗室。嘉靖末徐階執

政李春芳在禮部。思室宗日煩中外數萬人皆仰給縣

官國土之入不足以供歲額而有司裁抑未必中程相

與計議爲宗藩條例書未成階與春芳皆去位至是又

勅禮官著爲令典宗伯藩臧定宗藩事律徐學謨定宗

藩要例於襲封婚姻子女名數祿賜之屬嚴爲之限凡

條摘其間彼此矛盾前後抵牾或減削太苛或擬議不

定或一事而一予一奪或一令而旋止旋行或事與理

皇明法傳錄卷三 三朝卷一 顯皇帝 四十

舛錯窒碍難行或情法乖張輕重失當者皆釐正之

高汝拭曰如樂戶樂革則減削太苛如親王故絕繼封未必皆親弟姪如郡王初封封有帝孫王孫之異房屋一柴俸給則親無隆殺郡王墳塋俸給則恩無大薄郡王故絕者不襲而罪革者得襲將軍中尉無子者許選繼室而王未有子者不選繼婚廢人名親五十石而罪宗乃七十則恩紀失倫種種未妥各道正書成諸王有見而感泣者

罷禮部尚書潘晟而以刑部侍郎徐學謨代之

學謨曾為荊州守居正編脩時為德甚厚故居正在政府起之田間凡四廷尉是職自弘成百餘年來未有禮部不由翰林者世宗朝任庶書以議禮當意出他曹廷言路攻之不止學謨之擢無敢出一言者其威攝可知
○大學士馬自強卒贈少保謚文莊自強山西同州人任政府數月弗克大展為請官時上殊屬意他人莫敢望焉
三朝續紀一卷終